



La coumpagni téatrala

Le Béguio

présente

La Cabana

ATTEUE

Viéille Guidde	Luciano Botticini
Guidde Dzeveun-e	Rosanna Berthod
Guidde Dzeveun-e dédén lo muzé	Jerome Perruquet
Monseur	Philippe Bich
Statue	Alberto Chiaravelli
	Chantal Pession
	Cristina Cancellara
	Irene Barilla
	Rosanna Berthod
	Luciano Botticini
	Maurice Mondello
Voué Cabana	Nelly Bedetti
Voué Servén	Diego Pession
Giangiuseppe Barmasse	Philippe Bich
Abbé Gorret	Maurice Mondello
Bruno Brunod	Alberto Chiaravelli
Mike Bongiorno	Luciano Botticini
Monseur Djénovéis	Jolaine Hancock
	Alessandro Castellaro
Clée	Daniela Avetrani
Mezeucca	Diego Pession
Vidéó	Luca Bich
Piése écrite pè	Le Béguio





Mè dze si la Cabana è dze si seu pè mè prèzèntà. Mon istouare in coque magnée i conte dè dzen d'ifèèn qui désèn è qui monte... I m'an féte, portoye dusù lo Mon Servén, poué dze si vémià vièille è découacoye paé i m'an betoye a Votornentse. Èa, dze si én muzé !

Fran dédèn lo muzé i capilton bièn dè bague.... én muzé majique.

Bon, y é to lo dzor que dze tsertso dè fronétre la statue dè l'Abbé Gorret. I mè semble amoddo... Èa créyo què dze mè si mèetó én-a rélla !



Lo Bon Guiéu i m'a don-ò én quieur bon è én cor prépotèn, è mè dze fatécco a fae gagné lo prémé dusù lo sècôn. Na, èa vo conto ma pachôn, neutra montagne sacroye : la Gran Becca. Ille no-z-à todzor tutò avoué amour, la montagne i èntre dédèn l'ama què i ch'aprotse ou Bon Guiéu...



I ché n'é alò a forse... dz'avo voya dè femà... fé vére quecca lo travaill... Bravo bravo !




Douve guidde dzeveue voullon vezetà lo muzé, ma i savon po què la cabana fé rivivre lè tén passó...

Mah, n'allissan a vére lo muzé dou Servén ? Te so, y an portó la Cabana ou mentén dou Brel è èa y é pléa dè statue !



Adón, vièille Guidde, premé alpiniste, y é itoye éna soddisfáchón areuvà ou sondzón dou Servén pé prémé, eh ?

Mersi a teu, Abbé, coquieun i deyève calà dju lè-z-otre... è teu què t'o l'ama bonna, te t'é sacrifié : y é itoye én-a pouénte gagnà pè lè votornén !



È lè guidde dzeveue chouvoun lè po dè l'istouère di gran pionnié...

Te lo so què én quieu i ché arbèillévon po paé, è i portévon su llor lo beu pé étsoudà la cabana è i fézévon fondre la nei pé medzé quiecca dè seuppa...

Eh... Èn quieu y avon po poué totta seuita cordeua, capilène, goretex, wind stopper... Èa, dédèn la nouvva cabana, y a totte... lo bombolón... y a fénque lo chef... i son d'otre tén !

Èn éfé, fran én quieu, can lè guidde i portévon su lè cliante, y éve po tan comoddo...



Madamén vo si arbèilla amoddo ? Totte a post ? Avoué dè greuse gonelle...

Ma di po poué paé ! La madama y é rochè !



Madamén,
vo si chua
què vo-z-é
po béjén dé
pichi? Seu
no sen a
l'er ouverta,
vo pousé
alà lai,
a l'angle...
No vo
tutén po !

Na, na, na ! Mè végnò
dè la veulla, peteu què
alà lai, dze mè la tégnò !



È voualà, mè caro,
sella peua madama i
lle l'a fête a arreuvvâ
in puénte, ma i l'a
fête adosse
a la guidâ !



È fran lè guidde dzeveue, én tren dè fae lo Servén, i ch'arétou ou pasadzo di-z-écriteue.

No sèn arreuvvò
i-z-écriteue : seu
Carrel è Wimper
y avon écrit chè
non pè fae vére
tanque iou i sonve
arreuvvò...

Ma què te
pénse dè fae
avoué la poénte
è la masetta ?
Tuta què
èa ià lè lévro !



È lè douve guidde qu'i son én tren
dè vizittâ si drolo dè muzé...

Ma comén i
chè fé què seu
y a totte sette
statue qu'i chè
boudzon ? Y è
po què no sèn
tro piòn ?



T'o belle rézón, dz'è la fei què y
è tot én sondzo.
L'è mièl què no dizissan po tan
én djir setta бага otreman i no
prennon pè dè matte !




N'en fé quiecca
poué a si dzen,
ma i dèyon
comprenne
comén y ève
l'espri què
n'enve aprè lè
prémè montò
én pouénte,
ma dèvàn y ève
bièn diféèn.
Éncò mè, én
prée, silvo
pré dè setta
pachòn, grimpa
lè montagne !
Ah, béquie d'én
Servén, si quieu
l'en gagné ?



Èn-a bouéba i vu chè fae contâ comén
y è arreuvvò ou sondzón dou Servén.

È adón,
teu t'o fé
la Gran
Becca?
Conta-mè
vé comén
y é !



Èn-a espérianse...
Adón, lo guidde i m'a fé
arreuvvâ su pè premé,
comén dè tradéchón
poué, can y è arreuvvò
su co lleu, i m'a dégrupò
è i voléve mè lésé su, én
pouénte. Te so, dz'avo
maquie payé la méquâ !



Veuo dè conte dusù dè mè, dusù mè
pasadzo, dusù mè roque.
Mè dze pouso fae lo bé è lo boueur ten...
Dze fézo sèn què dze voui ! Dze si cougnù
dédén to lo mondo comén Matterhorn...
Ma mè dze si éncò la dzenta è fameuza
Becca, la GRAN BECCA !



La Becca y è én-a amiza, ma èa i fo l'écoutâ ! Respété-la todzor
è adón vo posé tomâ !

Vo savé, mè dze
sivo chon queur
dè beu,
èa dze si lo muzé
dou Servén è seu
vo possé trovâ
chon istouare !

FÉN !